



Broj: 01/1-50-1-1-67/09
Sarajevo, 26.3.2009. godine

Z A P I S N I K

67. sjednice Ustavnopravne komisije

Sjednica je održana 26. 3. 2009. , s početkom u 10 sati.

Sjednici su prisustvovali članovi Komisije: Šefik Džaferović, Momčilo Novaković, Lazar Prodanović, Halid Genjac, Drago Kalabić, Velimir Jukić, Martin Raguž i Adem Huskić.

Sjednici nije prisustvovao član Komisije Ekrem Ajanović.

Osim članova Komisije, sjednici su prisustvovali predstavnici: Ministarstva pravde BiH Mustafa Bisić i Aleksandar Totrić, predstavnici Ministarstva civilnih poslova BiH: ministar Sredoje Nović, Zlatko Horvat, Damir Dizdarević i Suvad Džafić, pravobranilac BiH Dragica Miletić, predstavnica OHR-a Jelena Despot, predstavnica OSCE-a Amra Zorlak, poslanik Remzija Kadrić, savjetnik zamjenika predsjedavajućeg Doma Igor Bunić, te iz Sektora za odnose s javnošću PSBiH Zoran Brkić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Komisija je jednoglasno usvojila sljedeći

D N E V N I R E D

1. Usvajanje zapisnika 65. i 66. sjednice Komisije, održanih 16.3.2009. i 26.3.2009.;
2. Prijedlog zakona o parlamentarnom vojnom povjereniku BiH, predlagači: poslanici Šefik Džaferović i Adem Huskić (**usklađenost sa Ustavom BiH i pravnim sistemom u skladu s članom 103. Poslovnika Doma**);
3. Prijedlog zakona o izmjenama i dopunama Zakona o sportu BiH, predlagač: Dom naroda PSBiH (**usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma**);
4. Prijedlog okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje BiH, predlagač: Vijeće ministara BiH (**usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma**);
5. Prijedlog odluke o pristupanju izmjenama Ustava BiH, predlagač: Klub poslanika SDA (**usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma**);
6. Prijedlog zakona o izmjenama i dopunama Zakona o Agenciji za rad i zapošljavanje BiH, predlagač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
7. Prijedlog zakona o izmjenama i dopunama Zakona BiH o izvršenju krivičnih sankcija, pritvora i drugih mjera, predlagač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
8. Ostala pitanja:
 - Izvještaj o radu Vijeća ministara BiH za 2008. godinu (**razmatranje izvještaja u skladu s članom 41.stav (2) Poslovnika Doma**);
 - Izvještaj o radu Pravobranilaštva BiH za 2008. godinu (**razmatranje izvještaja u skladu s članom 41.stav (2) Poslovnika Doma**);
 - Inicijativa poslanika Željka Kuzmanovića - Izvještaj Tužilaštva BiH o načinu primanja i daljnjem postupanju po pitanju dostavljanja Izvještaja SIPA o počinjenom krivičnom djelu protiv više lica iz RS-a, predlagač: poslanik Željko Kuzmanović (**razmatranje izvještaja u skladu s članom 64. stav(2) Poslovnika Doma**).

Ad.1. Usvajanje zapisnika 65. i 66.sjednice Komisije, održanih 16.3.2009. i 26.3.2009.

S obzirom da nije bilo rasprave, Komisija je jednoglasno usvojila zapisnike 65. i 66. sjednice.

Ad.2. Prijedlog zakona o parlamentarnom vojnom povjereniku BiH, predlagači: poslanici Šefik Džaferović Adem Huskić (usklađenost sa Ustavom BiH i pravnim sistemom u skladu s članom 103. Poslovnika Doma)

Predsjedavajući je otvorio raspravu u kojoj je učestvovao predlagač poslanik Adem Huskić. Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ad.3. Prijedlog zakona o izmjenama i dopunama Zakona o sportu BiH, predlagač Dom naroda PSBiH (usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma)

Predsjedavajući je otvorio raspravu u kojoj su učestvovali predstavnici Ministarstva civilnih poslova BiH i član komisije Velimir Jukić. Komisija je, nakon rasprave, sa sedam glasova „za“, bez glasova „protiv“ i jednim „suzdržanim“ glasom, utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ustavnopravna komisija, s dva glasa „za“, pet glasova „protiv“ i jednim „suzdržanim“ glasom, nije podržala principe Prijedloga zakona o izmjenama i dopunama Zakona o sportu BiH.

Ustavnopravna komisija većinom glasova nije prihvatila principe Prijedloga zakona jer smatra da postojeća rješenja Zakona o sportu BiH nije potrebno mijenjati.

Ad.4 Prijedlog okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje BiH, predlagač: Vijeće ministara BiH (usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma)

Predsjedavajući je otvorio raspravu u kojoj je učestvovali predstavnici Ministarstva civilnih poslova BiH.

Komisija je nakon rasprave, sa pet glasova „za“, jednim glasom „protiv“ i dva „suzdržana“ glasa, utvrdila da:

- postoji valjan ustavnopravni osnov za donošenje Zakona;
- je Prijedloga zakona usklađen sa Ustavom BiH i pravnim sistemom.

Ustavnopravna komisija je, s pet glasova „za“, jednim glasom „protiv“ i dva „suzdržana“ glasa, podržala principe Prijedloga okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje BiH.

Ad.5. Prijedlog odluke o pristupanju izmjenama Ustava BiH, predlagač: Klub poslanika SDA (usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma)

Komisija je, nakon rasprave, jednoglasno zaključila da odgodi razmatranje Prijedloga odluke o pristupanju izmjenama Ustava BiH, jer je potrebno izvršiti konsultacije u klubovima

parlamentarnih stranaka u očekivanju sveobuhvatnijeg dogovora o pristupanju promjenama Ustava BiH.

Ustavnopravna komisija predlaže Kolegiju Doma da prihvati zahtjev Komisije i produži rok za dostavljanje mišljenja o Prijedlogu odluke o pristupanju promjenama Ustava BiH, dok se o njemu prethodno ne izvrše konsultacije u klubovima parlamentarnih stranaka.

Ad.6. Prijedlog zakona o izmjenama i dopunama Zakona o Agenciji za rad i zapošljavanje BiH, predlađač: Vijeće ministara BiH (postupak u nadležnoj komisiji u skladu s članom 110.Poslovnika Doma)

Predsjedavajući je otvorio raspravu u kojoj su učestvovali: ministar Sredoje Nović, Remzija Kadrić, Drago Kalabić, Momčilo Novaković, Martin Raguž, Adem Huskić, Velimir Jukić, Halid Genjac i Šefik Džaferović.

Nakon rasprave, usvojeni su sljedeći amandmani koji glase:

Amandman I.

U članu 1. Prijedloga zakona riječ „administrativne“ briše se.

Amandman II.

U članu 2. Prijedloga zakona koji se odnosi na član 6. Zakona tačke a), d), m) i n) mijenjaju se i glase:

„a) u oblasti zapošljavanja iz svoje nadležnosti predstavlja Agenciju i saraduje s nadležnim agencijama, institucijama i međunarodnim organizacijama u tim oblastima;“

„d) inicira zaključivanje međunarodnih ugovora u oblasti zapošljavanja i učestvuje u vođenju pregovora za zaključivanje međunarodnih ugovora u oblasti socijalnog osiguranja za dio nezaposlenosti i prati njihovo provođenje u saradnji sa zavodima za zapošljavanje entiteta i Brčko Distrikta Bosne i Hercegovine ;“

„m) u saradnji s entitetskim zavodima za zapošljavanje i Zavodom za zapošljavanje Brčko Distrikta BiH, osigurava neophodne podatke u oblasti nezaposlenosti, posebno onih koji se odnose na izvršavanje međunarodnih obaveza“;

„n) dostavlja svoje redovne godišnje izvještaje o radu i godišnje programe rada Vijeću ministara.;“

Amandman III.

U članu 3. Prijedloga zakona, odnosno u članu 7. Zakona, u novom stavu (2) nakon riječi „saglasnost“ stavlja se tačka, a riječi: „putem resornog ministarstva BiH i uz njegovo mišljenje“ brišu se.

Amandman IV.

U članu 4. Prijedloga zakona, odnosno u članu 9. Zakona, prva rečenica mijenja se i glasi: „Direktor Agencije ima jednog zamjenika koji pomaže direktoru u vođenju Agencije.“

Amandman V.

Član 5. Prijedloga zakona briše se. Brisanjem člana 5., članovi 6., 7., 8. i 9. postaju članovi 5., 6., 7. i 8.

Komisija jednoglasno nije prihvatila sljedeće amandmane koji glase:

Amandman I.

Član 1. Prijedloga zakona o izmjenama i dopunama Zakona o Agenciji za rad i zapošljavanje BiH mijenja se i glasi:

„Član 1.

U Zakonu o Agenciji za rad i zapošljavanje BiH ("Sl. glasnik BiH", br. 21/03) član 2. mijenja se i glasi :

„Član 2.

„Agencija obavlja stručne i druge poslove koji se odnose na oblast zapošljavanja u okviru nadležnosti Bosne i Hercegovine, a koji pretežno zahtijevaju primjenu stručnih i naučnih metoda i s njima povezanih upravnih poslova.“

Amandman II.

U članu 2. Prijedloga zakona tačka g) briše se, a u tački h) iza riječi: „zapošljavanja“ dodaju se riječi: „bosanskohercegovačkih državljana u inozemstvu.“ Ostali dio teksta briše se.

Tačka m) mijenja se i glasi:

„m) u saradnji s entitetskim zavodima za zapošljavanje i Zavodom za zapošljavanje Brčko Distrikta BiH, osigurava neophodne podatke u oblasti nezaposlenosti, posebno onih koji se odnose na izvršavanje međunarodnih obaveza.“

Ranije tačke h), i), k), l), m), n) i o) postaju tačke g), h), i), k), l), m) i n).

Član 2. Prijedloga zakona mijenja se i glasi:

„Član 2.

Član 6. mijenja se i glasi:

„Član 6.

Agencija je nadležna da:

- a) predstavlja Bosnu i Hercegovinu u kontaktima s međunarodnim organizacijama, službama za zapošljavanje drugih zemalja i drugim institucijama i saraduje s njima s ciljem većeg zapošljavanja građana Bosne i Hercegovine u inozemstvu;
- b) izvršava međunarodne obaveze iz oblasti zapošljavanja u saradnji s nadležnim ministarstvima i zavodima za zapošljavanje entiteta i Brčko Distrikta BiH;
- c) prati primjenu međunarodnih standarda i politika u oblasti zapošljavanja i u saradnji sa entitetskim zavodima za zapošljavanje i Zavodom za zapošljavanje Brčko Distrikta BiH učestvuje u njihovoj primjeni;
- d) inicira zaključivanje međunarodnih ugovora iz oblasti zapošljavanja i socijalne politike i prati njihovo provođenje u saradnji s resornim ministarstvima i zavodima za zapošljavanje entiteta i Brčko Distrikta BiH;
- e) koordinira aktivnosti u domaćim i međunarodnim projektima u oblasti zapošljavanja koji su od interesa za Bosnu i Hercegovinu i saraduje s entitetskim zavodima za zapošljavanje i Zavodom za zapošljavanje Brčko Distrikta BiH u njihovoj realizaciji;
- f) prikuplja strane i domaće zahtjeve i informacije o ponudi i potražnji domaće i strane snage i, u saradnji s entitetskim zavodima za zapošljavanje i Zavodom za zapošljavanje Brčko Distrikta BiH, realizira ih u granicama svojih nadležnosti i mogućnosti tržišta rada u Bosni i Hercegovini;
- g) prati, analizira i istražuje privredna, društvena i druga kretanja, stanje zaposlenosti i nezaposlenosti, te njihove međusobne uticaje u saradnji s entitetskim zavodima za zapošljavanje i Zavodom za zapošljavanje Brčko Distrikta BiH, na osnovu čega predlažu potrebne mjere i aktivnosti na unapređivanju zapošljavanja;
- h) inicira potrebne aktivnosti kod entitetskih zavoda za zapošljavanje i Zavoda za zapošljavanje Brčko Distrikta BiH da se zajednički i u saradnji s poslodavcima, sindikatima, obrazovnim ustanovama i drugim udruženjima organizuju i provode programi profesionalnog usmjerenja i obrazovanja s ciljem većeg zapošljavanja i drugih oblika aktivne politike zapošljavanja;
- i) koordinira u zapošljavanju bosanskohercegovačkih građana u inozemstvu u granicama svojih zakonskih nadležnosti i u saradnji s entitetskim zavodima za zapošljavanje i zavodom za zapošljavanje Brčko Distrikta BiH;
- j) izrađuje potrebne analize i sastavlja izvještaje i dokumente iz oblasti zapošljavanja, sačinjava nacрте, predloge i radne materijale dokumenta koje usvajaju i donose organi vlasti Bosne i Hercegovine po iskazanim zahtjevima Vijeća ministara BiH i resornog ministarstva, po potrebi uz saradnju s entitetskim zavodima i Zavodom za zapošljavanje Brčko Distrikta BiH;

- k) predlaže Vijeću ministara BiH dugoročni, srednjoročni i godišnji plan u smjernicama politika tržišta rada i aktivnim mjerama zapošljavanja u Bosni Hercegovini zajedno s entitetskim zavodima za zapošljavanje i Zavodom za zapošljavanje Brčko Distrikta BiH, a putem resornog ministarstva BiH;
- l) u saradnji s entitetskim zavodima za zapošljavanje i Zavodom za zapošljavanje Brčko Distrikta BiH, daje resornom ministarstvu BiH mišljenje i prijedloge za zapošljavanja stranaca (kvote);
- m) vodi sve vrste potrebnih evidencija i uspostavlja jedinstvenu bazu podataka u oblasti nezaposlenosti, posebno onih potrebnih za izvršavanje međunarodnih obaveza, te s tim ciljem koordinira i saraduje s entitetskim zavodima za zapošljavanje i Zavodom za zapošljavanje Brčko Distrikta BiH.“

Amandman III.

Član 3. briše se.

Amandman IV.

Član 4. mijenja se i glasi:

„Član 4.

Član 9. mijenja se i glasi:

Direktor Agencije ima jednog zamjenika koji ga zamjenjuje u slučaju spriječenosti da obavlja dužnost.“

Član 4. mijenja se i glasi:

„Član 4.

Član 9. mijenja se i glasi: „Zamjenik direktora zamjenjuje direktora Agencije, u slučaju spriječenosti ili nemogućnosti direktora da obavlja svoju dužnost, sa svim ovlaštenjima kao i direktor.“

Član 4. mijenja se i glasi:

„Član 4.

Član 9. mijenja se i glasi:

„Član 9.

Direktor Agencije ima dva zamjenika. Zamjenici direktora u neposrednoj su vezi sa svim poslovima koje obavlja direktor, zamjenjuju direktora u svim pravima, obavezama i odgovornostima u slučaju njegove odsustva ili spriječenosti.“

Nakon člana 4. dodaje se član 4a. koji glasi: „Član 4a.

U članu 10. stav (1) mijenja se i glasi: «Direktora i zamjenike direktora imenuje Vijeće ministara BiH na osnovu javnog konkursa, iz entiteta, po principu rotacije, vodeći računa o ravnopravnoj zastupljenosti svih naroda.“

Amandman V.

Član 5. briše se.

Poslanik Šemsudin Mehmedović

Članovi 5. 6. i 7. brišu se, a članovi 8. i 9. postaju članovi 5. i 6.

Amandman VII.

Član 6. mijenja se i glasi:

„Član 6.

U članu 12. u stavu (2) dodaje se nova tačka g) koja glasi:

„g) daje mišljenje na prijedlog pravilnika o unutrašnjoj organizaciji i drugih općih akata Agencije.“

Iza stava (2) dodaje se stav (3) koji glasi:

„(3) Savjetodavni odbor Agencije utvrđuje plan službenih putovanja i posjeta službama za zapošljavanje drugih država i međunarodnim organizacijama i institucijama i usvaja izvještaj o njihovoj realizaciji.“

Amandman IX.

U članu 7. Prijedloga zakona, odnosno u članu 13. Zakona, riječi: „eminentni naučni radnik“ mijenjaju se riječima: „kvalificirano, stručno lice s relevantnim iskustvom“, a riječi: „na prijedlog Agencije“ brišu se.

Komisija je nakon rasprave jednoglasno:

- prihvatila tekst Prijedloga zakona o izmjenama i dopunama Zakona o Agenciji za rad i zapošljavanje BiH sa usvojenim amandmanima i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Ad.7. Prijedlog zakona o izmjenama i dopunama Zakona BiH o izvršenju krivičnih sankcija, pritvora i drugih mjera, predlaže: Vijeće ministara BiH (postupak u nadležnoj komisiji u skladu s članom 110. Poslovnika Doma)

Predsjedavajući je otvorio raspravu u kojoj su učestvovali: predstavnik Ministarstva pravde BiH Mustafa Bisić, Lazar Prodanović, Halid Genjac, Momčilo Novaković, Drago Kalabić, Velimir Jukić, Martin Raguž i Adem Huskić, i Šefik Džaferović predstavnik Ministarstva pravde BiH Jusuf Halilagić. Nakon rasprave, Komisija je jednoglasno usvojila usaglašene amandmane koji glase:

Amandman I.

U članu 13. u novom članu 100a., u stavu (2), riječi: „sud koji vodi krivični postupak“ mijenjaju se riječima: „ Sud BiH ili drugi sud u Bosni i Hercegovini kad je na njega Sud BiH prenio vođenje postupka.“

Amandman II.

U članu 22. u novom članu 168a., u stavu (3) na kraju teksta umjesto tačke dodaje se zarez i riječi: „ po prethodnoj saglasnosti ministarstva pravde tog entiteta.“

Komisija jednoglasno nije prihvatila sljedeće amandmane koji glase:

Amandman I.

U članu 2. koji se odnosi na dopunu člana 40. Zakona, u novom stavu (4) iza riječi: „koju je izrekao ili odredio“ dodaje se riječ: „isključivo“. Iza riječi: „Sud“ dodaju se riječi: „Bosne i Hercegovine“, a riječi: „ili drugi organ“ brišu se.

Amandman II.

U članu 3. koji se odnosi na novi član 41a. Zakona, u stavu (1), iza riječi: „od strane Suda“ dodaju se riječi: „Bosne i Hercegovine“, a riječi: „ili drugog suda“ brišu se.

Amandman III.

U članu 13. naziv novog člana 100a. Zakona (Premještaj pritvorenika) mijenja se i glasi: (Premještaj pritvorenika kojima je mjeru odredio Sud BiH).

U članu 13. koji se odnosi na novi član 110a. Zakona, u stavu (2) nakon riječi „pritvorenika“ dodaju se riječi: „kojima je mjeru odredio Sud BiH“.

Amandman IV.

U članu 16. koji se odnosi na izmjene i dopune člana 141. Zakona, u stavu (1) u tački 3) i u stavu (2) riječ "Alkoholičarima" briše se.

Amandman V.

Član 22. Prijedloga zakona briše se.

Komisija je, nakon rasprave, sa šest glasova „za“, bez glasova „protiv“ i dva „suzdržana“ glasa:

- prihvatila tekst Prijedloga zakona o izmjenama i dopunama Zakona BiH o izvršenju krivičnih sankcija, pritvora i drugih mjera sa usvojenim amandmanima i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Ad.8. Ostala pitanja:

- Izvještaj o radu Vijeća ministara BiH za 2008. godinu (razmatranje izvještaja u skladu s članom 41.stav (2) Poslovnika Doma);

Predsjedavajući je otvorio raspravu u kojoj su učestvovali svi članovi Komisije. Nakon rasprave, Komisija je jednoglasno odlučila:

- Ustavnopravna Komisija prihvata Izvještaj o radu Vijeća ministara Bosne i Hercegovine za 2008. godinu;
- Komisija predlaže Predstavničkom domu da prihvati Izvještaj o radu Vijeća ministara BiH za 2008. godinu.
- **Izvještaj o radu Pravobranilaštva BiH za 2008. godinu (razmatranje izvještaja u skladu s članom 41.stav (2) Poslovnika Doma);**

Predsjedavajući je otvorio raspravu u kojoj su učestvovali svi članovi Komisije. Komisija je nakon rasprave jednoglasno zaključila da odgodi razmatranje Izvještaja o radu Pravobranilaštva BiH za 2008. godinu, jer smatra da se o ovom izvještaju prethodno treba izjasniti Vijeće ministara BiH.

Ustavnopravna komisija predlaže Kolegiju Doma da prihvati zahtjev Komisije i dozvoli produženje rok za dostavljanje mišljenja o Izvještaju o radu Pravobranilaštva BiH za 2008. godinu, dok se o njemu prethodno ne izjasni Vijeće ministara BiH.

- **Inicijativa poslanika Željka Kuzmanovića - Izvještaj Tužilaštva BiH o načinu primanja i daljnjem postupanju o pitanju dostavljanja Izvještaja SIPA o počinjenom krivičnom djelu protiv više lica iz RS-a, predlagач: poslanik Željko Kuzmanović (razmatranje izvještaja u skladu s članom 64.stav (2) Poslovnika Doma)**

Predsjedavajući je otvorio raspravu u kojoj su učestvovali svi članovi Komisije.

- Nakon rasprave, Ustavnopravna komisija je, sa pet glasova „za, tri glasa „protiv“ i bez „suzdržanih“ glasova, podržala navedenu inicijativu koja je podnesena u skladu s odredbom člana 8. Poslovnika Predstavničkog doma.

Članovi Komisije Šefik Džaferović i Halid Genjac tražili su da se njihova mišljenja izdvoje kao mišljenja koja su bila protiv Inicijative jer smatraju da Parlamentarna skupština BiH, kao zakonodavni organ, nema nikakvih ingerencija kada je u pitanju rad Tužilaštva BiH u konkretnim slučajevima.

Član Komisije Martin Raguž također je tražio da se izdvoji njegovo mišljenje jer smatra da Parlamentarna skupština BiH ima pravo, u skladu sa zakonom, od Tužilaštva BiH tražiti izvještaj o radu i postupanju po zakonu.

- Komisija je, sa četiri glasa „za“, tri glasa „protiv“ i jednim „suzdržanim“ glasom, usvojila zaključak koji je predložio član Komisije Martin Raguž, da Ustavnopravna komisija održi posebnu tematsku sjednicu o odnosu zakonodavne i sudske vlasti na nivou Bosne i Hercegovine.

Članovi Komisije Šefik Džaferović i Halid Genjac tražili su da se izdvoje njihova mišljenja kao mišljenja koja su bila "protiv" usvajanja navedenog zaključka.

Član Komisije Drago Kalabić zatražio je da se njegovo izdvojeno mišljenje zabilježi u zapisnik jer se ograđuje od mišljenja kolega Šefika Džaferovića i Halida Genjca, smatrajući da se na ovaj način oduzimaju ingerencije Parlamentarne skupštine BiH utvrđene zakonom.

Na kraju sjednice, članovi Komisije obaviješteni su o posjeti delegacije Bundesrata s kojom će se sastati u zgradi Parlamentarne skupštine BiH u četvrtak, 9.4.2009., od 10 do 11 sati.

S obzirom da nije bilo više pitanja, sjednica je završena u 14, 55 sati.

SEKRETAR KOMISIJE
Igor Bajić

PREDSJEDAVALJUĆI KOMISIJE
Šefik Džaferović